

OMUKWETU

Registered at the General Post Office as a Newspaper

⁵⁶ "ASHRAM" YOYAFITA

① Ovafitaongalo ve dule 70 vOngerki onghwaevangeli paLuther mOwambokavango, ova kala mOngwediva oule womafiku atatu moshilonga shelixungomwenyo pehovelo lohani ei.

Mewiliko lomuyakuli wovanashilonga aveshe mOngerki ya Elok, omufitaongalo Toivo Pentikainen vo nomuyevangeliste wongerki, Efram Angula, ovafita mOngerki ova kala moshongalele osho inashi kundafana nande oinima yovakwaneongalo ile oyomaufomhango Ongerki ngaashi sha ikililwa, nde va kala koshipala shOmwene melikonakono nomeilikano nokukwafafana pamwe nokupaafana ombili.

Oshitya "Ashram" oto dulu oku shi fatulula kutya okukwafafana koshipala shaKalunga ile exungomwenyo neilikanenafano. Osho sha kala elalakano loshongalele osho.

Moule womafiku atatu oshongalele, efimbo alishe okudja ongula fiyo otundi yotete oufiku, okwa kala umwe ile vahapu meilikano opo Kalunga a punike oshongalele ile okwiilikanena omaudjuu makwao moshiwana nomOngerki.

Oshongalele ashishe konima yeetundimbibeli odo da kala oshitwa shotete meenghundafana, osha kala yo keengolo nokwiilikana paukumwe, Kalunga a taalele oshipala shaye kovanhu vaye kombada yedu pefimbo eli loimbide ihapu.

Osho sha li oshongalele shotete sha ningwa panghedi ei mOngerki yetu mokati kovanashilonga okukufa omitengi domaodjuu komapepe avo, vo va pewe Omhepo ipe okutwikila oilongayakulo yavo ve na okaana kokomwenyo ka yela.

Osho ngaha ovakwaita va shuna koilonga yavo mOngerki neemwenyo da mangululwa komwiifani wavo Kristus.

JUNI 1973

No. 11

"JESUS NGE TA MENYE MO NASHI GWANE SHOKA"

UUYUNI KAU NA OMBILI? OWA GEYA WO INAU HINDWA. IIPALA YAANTU NANDO YI NDIGILIKE, SHO TO TALA JESUS OTA MENYE MO, SHOKA NASHI KU GWANENE SHOKA. OSHO OMUTONATELISHITAYINGERKI SHUUNINGININO JASON AMAKUTUWA A LOMBWELE OMUSITAGONGALO KLEOPAS DUMENI.

Omolwashike

pwa li

Oshinyanyangidho

Kepulo lyoshipalanyolo otu na eyamukulo lya zi mehokołolo lya gumwe gwo maanyanyangidhi aakulu moshituthi shetsakanitho lyomimvo 60 dhiilonga yasho mpaka konima yomimvo 11, (1961)

"Ehanganotumo lyaSoomi olya landele aakriste Aawambo Okanyanyangidho koku ya nyanyangidhila iifo yokulesha, opo yi ilonge oshindji. Pethimbo ndi yaka aakriste Aawambo inaa thika mangu 300 ayehe kumwe, oshoka aatumwa ya adhika ya longo ashike omimvo 30.

Aakriste nando ya li po aashona ngeyi, Etumo lyaSoomi inali sa uunye oku ya landela Oshinyanyangidho. Omuhongi Albin Savola okwa tameke naakwathi ye okunyanyangidha okafo oshona melaka lyOshiwambo. Okafo hoka komapandja gane, oka kala haka topolwa Osoondaha, aakriste ya leshe noka lukwa Osoondaha, moka ya leshe nokuleshelathana. Muko ya leshe omafatululo goohapu dhaKalunga nelongo lyuukriste niinima yi ili noyi ili.

Omumvo 1926 aakriste oya li ya kwatwa kenyanu enene sho ya tuminwa ishewe kEtumo lyaSoomi eshina enene lyokunyanyangidha, oshoka okashina kotango oka li ka pi po pamwe neliko olindji muElim 1924. Omashina ngoka oga li gi indjipala sigo onena pwa adhikile omashina 15 ngoka ga ende lelitha iilonga yomambo niifo."

Euvitho lyevangeli pwa na Oshinyanyangidho, ongaashi omuntu ta longo kee na omutima.

Moshituthi shelalo lyegongalo epe mOshakati eti 17.6.1973, moka oshituthi shelangeko lyomusita ta longo moka, sha ningwa wo montaneho yegongalo, omutonateli Amakutuwa okwa kumike omukumo omulangekwa nomatumbulo ngaka:

Nonando omapuko otaga ka holoka miilonga yoye, Kalunga ne ku yelithile oshipala she ye e ku sile ohenda. Ombili ye nayi gamene omadhiladhilo goye muJesus.

Egongalo lyaSakati lyOngerki onkwaevangeli paLuther mOwambokavango, olya thikama unene miilyo ya za koombinga adhihe dhomOwambo napondje, ngashi ya gongelwa mo mpeyaka kiiilonga yoofabulika noshipangelo shEpangelo.

Tate Dumeni oye omusitagongalo gwtango, ngoka a langekwa mOshakati kEpangelongerki okusila aakriste moka oshimpwiyu, iilonga mbyoka e yi longo pamwe noshilonga she shewiliko lyaagundjuka mOngerki ayihe.

Oshilonga shelelo lyegongalo sho kashi shi oshipu komuntu kehe na kale oye olye, omutonateli okwa uvanekele omulangekwa Dumeni elago nokwe mu tumbulile kutya:

Kalunga ote ku gamene, lyo egameno oli hi pamwe neyambeko. Etango itali ke ku tsa omutenya nomwedhi itagu ke ku tsa uusiku. Kalunga ngoka te ku gamene cye ngaa Nangolo, a shiga ko.

Omusamane Amakutuwa okwa tsikile natango ta ti: Jesus okwa yela omwenyo sho te ku tala, sho e na niimbala. Pokati kiihukikwanyeka ongoye oto monikila po.

Iipala yaantu nando yi ndigilike ya geya, kombinga yaJesus shimpa tuu te ku tala ta menye mo, a nyanyukwa, shoka nashi kale she ku gwanena.

Egongalo lyaShakati olyo etiyali lya totwa muumvo moshitayingengerki shUuninginino nolyo eti 49 komagongalo agehe ga ELOK.

+++++

Eopalo lyegongalo muuyuni

OOMPADHI DHOMUKUNDANITHI GWONKUNDANA YENYANYU CDHOOPALA NGIINI KOONDU-
NDU. OOMPADHI DHAAMBOKA TAA UVITH'LE AANTU OMBILI, TA HOKOLOLA OOHAPU
OONTALALA. OOMPADHI DHAANGOKA TU UVITHA EKUELLO TA LOMBWELE SION TA TI
OMUWA OYE OMUKWANIILWA. Jes. 52:7

Jesaja ota popi eha lya tya ngaaka o-
ndundu, nkoka eopalo tali dhimbululwa
sha kwatelela mo oondunge dhopatatu.

a) Ondundu oya tseyika ongeha lyaKa-
lunga nkoka ta kala ko. Moses okwa
tsakanene naKalunga kondundu 2Mos.3:1
Mpo pu thike okweengena popepi nondu-
ndu, opo pu thike wo uupopepi naKalu-
nga. Shika osho sha kala meitaalo
lyoshigwana shaKalunga. Ps. 76:4

b) Ondundu eha lya kutha omuntu muu-
fupi we nomuunyengwi we, etali mu ya-
mbula li mu kaleke puwanawa, puule
pwa gamenwa nawa. Ps.30:8,72:3

c) Ondundu oyo oshilongo nenge egumbo
lyaKalunga. Mika 4:1 Mpoka evangeli
lya taambwa notali tsakanitha omadhi-
ladhilo gaKalunga maantu, opo mpoka
eopalo lyegumbo lyaKalunga otali kala
po wo.

Evangeli otali longelwa muuyuni wa vu
ndakana notali shiti olupe lwonganda
yaKalunga moka. Aayangeli noongundu
dhaayapuki megulu nge tadhi shi tala
otadhi ikwata komilungu dha kumwa.
Mokati kedhilo nokoongaga dhuulunde,
Kalunga ota dhikile mo egumbo lye ta-
li adhima onngoshingoli sha yoololwa
momulilo. Osho shoka Jesaja te shi
tala nota tumbula: "Kombanda yondundu
eopalo lyoompadhi dhaauvithi otali mo
nika.

Okweetela ngoka kee na ombili, ombili
naangoka kee na etegameno ehupitho, o
sho omume ontalala moompadhi dhaango-
ka te shi ningi. Okuuvithila omulund
edhimopo lyoondjo ongashi omuzaleki
onkulungu ta zaleke omufuko a ka tsa-
kaneke omulumentu gwe. Mat. 25:1 Osho
eopalo tali monika.

Oshilongatumo otashi yalekele Kristus
omufuko, Ehol, 21:9 ngoka te mu tege-

lele e li momuzalo gwedhimopo
lyoondjo. Ehol. 1:5, 7:14 Mat.
22:12. Mpoka omufuko nguka ina
yalekwa, egongalo inali dhikwa, o-
pe na ehiyo noshinakugwanithwa
shimwe ashike, opo ya tseye wo
"OMUWA OYE OMUKWANIILWA." Euvi-
tho ndika otali uvika manga uuyu-
ni u li po nasatana ina mangwa.
Mat. 24:14

Okutaamba evangeli nokweenda pa-
lyo, osho okutaamba Epangelo lya-
Kristus.

"Muule wesiku limwe sho twa hwame-
kwa kevangeli, otwa vulu okwiitha-
nathana gondema, pwaa na okutalwa
olwaala lwokombanda," osho gumwe
a hokolola mu S.A. omasiku ngaka.

Onkalathano oya li ya tameke oku-
zala eopalo mokati kooveta dhuu-
kwaludhi ndhoka tadhi kondjitha
oshipango shohole. Olwindji nope-
ndji Epangelo lyaKristus otali
yiwa moshipala kumboka taye li pa-
tana nosha etele aauvithi yalyo
uupyakadhi. Okakadhona okatumwa
Okaingilisa, Mary Slessor, oka
hokolola iilonga yako metumo taka
ti:

"Olwindji onda kala noshinkulumika
pothingo nomukumo gwandje olwindji
ogwa ka po."

Shika osho oshili komutumwa kehe
shaa mpoka ta kala po. Onkalo ya
tya ngeyi oya ningi ekumbatha ta-
li siikile eopalo lyoshilonga
lyaa monike komulongi gwasho.

Aatumwa yaali Aandowishi mOngerki
onkwaevangeli paLuther yaatili-
gane (DELK) oya lalekwa po omba-
dhilila nuumvo. Aatumwa ooyakwa-
wo taa longo mevi ndika, onakuyi-
wa yawo oya tsuma. MuIsrael oka-
ngundu kaamboka ya taamba Epange-
lo lyaKristus otaka tilithwa esik
ku kehe. Egongalo (Tala kep.4).

-4-

OSHILONGA SHOMUSITA PAMBIMBELI

Omusitagongalo ngoka ta talwa okwi ithanwa moshilonga ; gaKalunga naangoka e ya mo miilonga paithano lyaantu nenge iya lwe shi ili, shika osha li oshidhigu oku shi monena eyamukulo moshigongi shaasitagongalo mOngerki shoka sha kala mOngwediva petameko lyaJuni nuumvo.

Omikalo dhokwiithanena moshilonga, hadho oshinima sha zimana, ngashi oyendji inaa mona ehiyo lye enda pamukalo gumwe. Shono shi na oshilonga komwiithanwa kehe, muusitagongalo nenge meitaalo lyomukriste kehe osho omukalo gwokulonga iilonga mbyoka we yi ithanenwa. Osho oshigongi sha pewa uyelele mbuka paMbimbeli. Oshipopiwa tashi landula osha leshelwa oshigongi komusitagongalo Kristof Shuuja, moka a yelitha iilonga yomusita ngashi tayi holoka paMbimbeli. Okwa ti:

Oshilonga shomusita, oshilonga shuusita osho shopambimbeli, shi na etameko mOmbimbeli. Etestamendi Ekulu nEpe, oga tseya oshilonga shika. Ombimbeli mukupopya oshilonga shika muukwaahe washo, otayi popi Melkisedek, Aron naKristus.

a) Melkisedek, oye a tumbulwa tango kOmbimbeli, nedhina ndika Kain, Abel Noa naAbraham oya longo iilonga ya nika uusaseri, ihe inaa tumbulwa nedhina ndika (omusaseri).

li sha pumbwa oseremoni, elongelokalunga, omoluuwanawa ye u ningilwa kuKalunga nomolwoompumbwe ye na oku dhi eta koshipala shaKalunga kawo. Molwambika, oya li nompumbwe yomusaseri. Kalunga nokwa dhike uusaseri moshigwana she.

Melkisedek, Ombimbeli oye mu popi, o musaseri nokwa longo oshilonga shoku laleka nuuyamba 1 Mos. 14:18-20. Iilonga yomusaseri nani okuyambeka. Muyo otwa koneka omusaseri oye omuyakulithwa, omupiya, omutumwa gwaKalunga koshigwana she, kaantu ye.

Aaron noyana ya yoololelwa oshilonga shika, hatu ti oshilonga oshiyapuki. Oludhi nduka lwa ningi iwaasaseri okuhumbatela koshigwana elaka lyaKalunga nokuKalunga ewi lyoshigwana. 2 Mos. 40:12-16.

Oye wo omufali gwewi lyoshigwana lye gongalo kuKalunga, nando tse aaprotestante shika ohatu hala oku shi tinda. Abraham sho kwa gandja oshitimulongo kuMelkisedek, okwa gandja kuKalunga. Melkisedek nathikithe oshitimulongo shika kumwene.

c) K r i s t u s: Oludhi lwaAaron lwa ningi ashihe taye shi vulu moshinima shika shuusaseri, ihe ya nyengwa okuthikitha iilonga yawo megwano.

b) Aaron: Oshigwana shaKalunga osha-

Eopalalyegongalo
lyomegulu sho tali tala uudhigu mbuka, ihe oshilongo shaKalunga onkene tashi koko, otali isizimike ashike koshipala shOmushiti noku mu simanekela uunene we. Eopalo lyaatumwa otali gamenwa esiku kehe nando uuyuni u li shundule, sigo elaka kehe lya zimine kutya: **OMUWA OYE OMUKWANIILWA. Fil. 2:11**

Omuntu oye omuntu gwomathimbo, nomolwashoka aasaseri ya landulathana oyendjiyendji pamathimbo gawo. Omuntu oye omunandjo, onkene molwa shika omusaseri a gandja omafikilo ddjambo molwe mwene nomolwooyakwawo. Ethimbo sho lya thikana, Kalunga okwa tumu omusaseri a gwana, a gwanenena a longo oshilonga shuusaseri lumwe aluke nasha pwa, Oye **JESUS KRISTUS OMUNA GWAKALUNGA**. Oshilonga she oshopa "universaal (sha kwata omathimbo agehe Hebr. 7:23-25. (Tala kep. 5).

(Sebulon Ekandjo)

Qmusaseri oye omupristerki, omusita, hagwiimuna, ihe ogwaantu, gwoshi-gwana, gwegongalo. Oye oha hogololwa kuKalunga, oha pendulwa moshigwana kuKalunga, hakuye mwene, aawe, 1 Sam. 2:35. Oshilonga ohe shi pe-wa, haye te shi ipe. Jes. 61:6.

Omusita oye omuyapuki neta pulwa uuyapiki. MuMoses etitatu omwa tiwa mOmbimbeli yOshiwambo: "Omusaseri okwiiyoololela Kalunga ke." mOshii-
nglisa okwq tiwa, " He is holy to his God," nomOshimbulu "Hy is heilig-
aan sy God." - Oye omuyapuki kuKalunga ke.

Ovelise tayi landula otayi yelitha omolwashike e na okukala omuyapuki. Oshoka oshilonga osho oshiyapuki, naKalunga mwene gwasho oye omuyapuki. Omusita ota pulwa uuyapi i, oshoka muMoses etiyali otaku tiwa: Naasa-
seri taa hedha kOmuwa, oyo ye na okwiitheta, Omuwa kee ya yone po nando. 2Mos. 19:22.

Uuyapuki mbuka naPetrus wo ote u eta mombapila ye sho ta popi o n'g u
n d u yaasaseri aayapuki. yokuyamba omagano gopambepo goopalela Kalunga
omolwaJesus Kristus. Ombimbeli otayi popi oshilonga shomusita koombi-
nga dhi ili nodhi ili, noovelise odhindjidiindji. Molwashoka oshili
ndjika otayi holoka mOmbimbeli, kutya oshilonga shika oshopambimbeli.

Momadhina ga tumbulwa gatatu Melkisedek, Aaron naKristus omo mwa kwa-
telelwa mo oshilonga ashihe shuusita, shopambimbeli, kokutya ayehe yaa-
li ye na okuninga aasaseri, aapristeli, oya li ye na okukala yomezimo
lyaAaron. Kondje yezimo ndika kakwa li ku na ompito yokuninga omusase-
li paTestamendi Ekulu.

Melkisedek ngoka wo a tumbulwa nedhina ndika lyuusaseli, okwa li ko
manga elandulathano lyopaAaron inaali totwa. Ihe ndishi Ombimbeli oye
mu popi ngemoniko. Omutilatu oye Kristus ngoka yemwemwene a li omu-
pristeli nokwa egululile ayehe osheelo shuupristeli, nowa ningi waaye-
he.

A a n a m i b i a kaye shi yomezimo lyaAaron, ihe ngashingeyi oye na
ompito ye eguluka okuninga aasaseri, aapristeli, aasita, nuusita mbuka
owopambimbeli lela. Niigwana yilwe wo oyi na ompito ndjika. Oshilonga
shika shuusita sha egululilwa nenge sha egulukila ayehe, itashi ikuthi-
lwa, aawe. Otashi gandjwa notashi hogololelwa; nomuhogololi oye Kris-
tus mwene.

Kaku na nongaashi itaku ka kala ngoka te shi ikuthile, te shi ipe.
Ayehe ye li mo notaa ka kala mo, oya tulwa mo noya hogololelwa mo.
Oshili ndjika ondjapuki oya hololwa mOmbimbeli Joh. 15:16 Hane mwa
hogolola ndje, ongame nde mu hogolola, nonde mu ithana mu ye ko.....
Nenge: Ogame nde mu yoolola mo muuyuni Joh. 15:19 Nenge:
Oye oshiyuma sha hogololwa Iil. 9:15. Nenge: Kalunga okwe ku ho-
golola ... Iil. 22:14. MuEfesi 1:4 E tu hogolola muKristus manga uu-
yuni inau dhikwa tu kale aayuuki naakaanashipo koshipala she mohole ..
MuTsalonika 2:13 Kalunga e mu hogolola petameko. Nenge, One ezimo lya
hogololwa nongundu yaasaseri pakwaniilwa noshigwana oshiyapuki naantu
ye mwene, mu hokolole uuyamba waanguka e mu ithana mo momilema mu ye
muyelele kaau wapa sha. 1 Petr. 2:9. (Tala kepanja tali landula)

OSHILONGA SHOMUSITAGONGALO PAMBIMBELI

(Rev. Kristof Shuuja)

Moshiwambo otu na oshitya omusita gwegongalo. Oondunge dhasho pamwe odha zi komusita gwoonzi Omuisrael nenge odha zi komusita gwoongombe Omunamibia. Eipulo lyetu pashitya shika shetu nali kale ndyoka: Nge ta ku popiwa uusita woshigunda shiimuna, olye omunene, iimuna nenge omulithi gwayo?

Oku na omadhina ogendji taga popi oshilonga shika, ngashi omusaseli, omupristeli, omupastori, oministeli, omupateri nosho nosho. Omadhiladhilo giitya mbika, oge tu yelela nawa lela. Ihe shoka sha yela unene osho shoka sha popiwa kuPetrus sho ta ti:

Litheni oshigunda shaKalunga mwe shi pewa uusita. Hakethiminiko, aawe, onehalo ewanawa. Hamolweliko lya ngata, aawe, okehalo lyokomwenyo, Hangomalenga nokupangela mboka mwe ya pewa, aawe. Kaleni aaholelwa yoshigunda, omusita omukuluntu sho ta ka holoka, one notamu ka pewa oshishani itaashi ganya. Omusita oye omukwathi, omuyakuli, omulongeli.

Iilonga ayihe ye otayi tumbulwa moshitya oshikwiilongo "worship" okulongela Kalunga, elongelokalunga lyokulongela Kalunga moshigwana, megonvalo. Motembeli aapristeli oya tsi nine, ya gandja omafikilondjambo nosho tuu iilonga iikwawo ye yi ningi medhina lyaKalunga nomedhina lyoshigwana.

Omusita okwa ithanwa a yakule oshigwana shaKalunga nohapu. nomasakramendi. Oshigwana shaKalunga oshi na aluhe enota nondjala yokomwenyo. Luk. 24:47 nomedhina lye eitedhululo lyedhimopo lyoondjo, oli na okuvithilwa iigwana ayihe. Etestame-

ndi Epe, otali holola oshiholekwa muKaaefesi sho tamu popiwa ezimo lyaKalunga, aantu ya ningi ofamilyaKalunga omuyapuki. Shino osho wo tashi popiwa kuPetrus novelise twe yi lesa nale 1 Petr. 2:3. (Yo oyi li Ef. 2:19), kokutya aakriste oyo omamanya gotempeli ge na omwenyo, Oyo wo ongundu yaasaseli aayapuki.

Tse otu na aakriste aayapuki, otu na egongalo eyapuki. Ye omukriste kehe oye omusita. Koohapu ndhika dha Petrus Luther ota ti: "Atuhe mboka gwa shashwa, otse aasita pwaa na eyooloko." Ta tsikile omadhiladhilo ge kutya, uusita kau shi sha shilwe, kashi shi ando eyakulo lyOhapu okuvitha Ohapu, haOmpango, evangelii, Ohapu yenyanyu.

Ombimbeli sho tayi popi omusita, otayi popi omuvithi gwOhapu. Ohapu oyo JESUS KRISTUS paevangeli pa Johannes 1: Omusita omuhololi gwehalo lyaKalunga nomusiikululi gwiholekwa (misteri) yaKalunga, ehupitho lyomwenyo muJesus Kristus.

Ayehe oya ningi aatumwa, ayehe aapiya aahokololi, ayehe aapristeli, ayehe oonzapo. Tseni aapiya tu dhi mbulukweni aluhe okuhokololelathana uuyamba waanguka e tu ithana momilema, tu ye muyelele we kau wapa sha.

oOo

KRISTUS OKWA TEGELELWA MUISRAEL

Angula

Tate Efraimvokwa li a yamukula omapulo ngoka hage mu adha omolwokuumba ongalo yetungululo lyOtempeli yaJerusalem, ngashi sha li sha leshwa mo mukwetu gwomumvo 1972, kutya iimaliwa ando otayi pewa lye. Tate Angula sho a pula kuume ke ngoka haa nyolelathana naye muIsrael, Victor Smadja, okwe mu yamukula ngeyi: LOMBWELA OOKUUME KETU YE TU GALIKANENE ASHIKE. OTEMPELI NGE TAYI TAMEKWA, OTASHI ZI KELOMBWELO LYAKRISTUS SHO TA GALUKA.

Omusitagongalo Smadja okwa hokolola omahepeko ogendji ye ga na omolweitaalo lyomukristus ndyoka ye li taamba. Etseyitho ndika olya li li na ando okuholoka moMukwetu gwaMai ngoka pile mo.

+++++

MELONGELOKALUNGA NOMUTILIGANE

OKUNINGA TATU HULITHA PO TANGO OMALUNDILA=THANO GAA NA OMATOMPELO, TSE TU TAAMBATHANE NOHOLE OPO TU VULE OKWAADHA UUKUMWE WOSHILI, OMULUUDHE NOMUTILIGANE MELONGELOKALUNGA MONGERKI."

Omusitagongalo Omwiindia mu S.A. Edward A Mannikam, komapulo ogendji e ga pulwa mekwatathano nuukumwe wAaluudhe naatiligane melongelokalunga, okwa yamukula kutya:

Osho omusita gwOmbatili J.J.F.Mattler a nyola mombilive ye kiifo.

Ongerki yOombulu otayi ka eta omaudhigu ogendji nomawinayi. Okwa ti onaku ke ya ethimbo uuna Ongerki yaaluudhe tayi lombwelle Ongerki yOombulu kutya inatu pumbwa we aatumwa, inatu hala we aatiligane moongerki dhetu.

Mombilive ndjika ya ningi onkundana onene moongerki dhomu S.A. oya ti, kutya olwaala oshinima sha eta uudhigu muka, nokehe shimwe oshi iyoololelwa palwaala niinima yelongelokalunga.

Omusita omukwawo omuluudhe okwa ti kutya oshikumitha omutiligane kehe sho e na ompito yokukala naaluudhe melongelokalunga, nando a kale omupagani, ihe omukriste omuluudhe ku vulu okukala noitaali ooyakweni aatiligane koshipala shaKalunga.

Omusita Mattler okwa ti: Ongerki oya thigwa po ngomondapo kEpagelo okutula iigwana kumwe. Nando ku kale oongerki dhaatiligane nodhaaluudhe, Ongerki yimwe ayike, Ongerki yaKristus. Osho a ti.

Okwa ti natango omaudhano mu S.A. oga ziminwa okudhana pamwe omihoko adhihe ihe aantu yongerki kaye na uuthemba okuningila kunwe elongelokalunga.

Omusamane Mattler oshilyo shongerki yoombulu (N.G.) yAaluudhe.

Kalunga okwa shita ndje omuluudhe, nonde shi nyanyukilwa, ihe okulombwelwa kutya kandi vulu okukala koshipala shaKalunga pamwe naatiligane molwashono ndi li omuluudhe, shoka etukano, osho a ti.

Epulo lyomuluudhe a monenwe wo uuthemba okuva Osoondaha pamwe naatiligane mongerki yaatiligane, olya ningi enene nedhigu mu S.A. Omafaneke gamwe gomuprofesoli muateologi mosikola yokombanda C.W.Boshoff, kutya ethimbo ngeno lya pi Aaluudhe ya pitikilwe momalengelokalunga gaatiligane, naakalele yaa ningilwe we Osoondaha momatala giihauto ihe ya ye mOngerki, shika osha tindwa.

MuNamibia omusitagongongalo Wolfgang Kruger ha longo mokati kAandowishi mOtjiwarongo, opermeta ye oya kuthwa oonkondo sigo pehulilo lyamwedhi nguka Juni, nota shuna kuNdowishiland. MOsoondaha yetililo lyaMbepo Ondjapuki okwa li a uvitha megongalo lyaluudhe, manga omusitagongalo Sakaria Nakamhela ta uvitha megongalo lyAandowishi. Asha li sha eta einyengo enene moshilongo.

Efaneko ekwawo olya holokele wo ngele mongerki yaatiligane tamu tulwa wo oshipundi shokukalwa kaaluudhe siku taauvu mo elongelokalunga ongaayenda. Naashika osha ekelwahi.

+++++

*Omi hoko
ode litila*

OILUMBU NOVALAULE MUSUIDWES, OTAVA TULU NAANAA OKULONGELAKUMWE OPO VA KANDULE PO OMAU-DJUJ E LI POKATI KAVO, ASHIKE OUMBADA OU LI PO MUNENE NATANGO OKUTILAFANA.

Eshi osha dja mehokololo loshoongalele shovanafikola sha ningwa ohani ei mOkahandja.

Oshoongalele shovanyasha 12, oilumbu itano novalaule 7, osha dimbulukwa nawa kutya omikundu pokati komihoko edi mbali otadi kandulwa po ashike keenghundafana nokelineekelafano liwa lomadiladilo taa tambulafanwa taa di keembinga adhishe. Osha ti natango kutya onghalo yaaveshe i na tete okukonakonwa nokulihongwa. Ova tala yo kutya ovanyasha vopaife ovo ve na okuhumbata oshinakuwanifwa shonghalo yonena.

Oukumwe ou pokati komihoko mbali, owa li mewiliko lomuhongifikola muAugustineum Hans Martin Milk. Ovahongwa vakwao ova dile kofikola yOvandowishi:Höhere Privatschule.

I T A T U M U D I M B W A N A N D E

Ovakriste ovaholike,

Efimbo letu eshi le uya tu shune kuSoomi, onda hala natango ndi mu kunde ponhele yeumbo letu alishe medina lOmukulili wetu Jesus Kristus. Ohatu pandulile Kalunga eedula adishe twa li tu na omhito okukala mOwambo. Paife ohatu ka kala kokule nanye pakutala, ndelene otu li popepi meitavelo. Itatu dulu oku mu dimbwa nande.

Omwene Jesus ne mu koleke mekondjo leni mu kale alushe mu na eitavelo li na omwenyo nokaana kokomwenyo ka yela. Nafye yo otwa hala okudiinina ondjila yexupifo. Efiku limwe Kalunga ote ke tu pa natangò emonafano pompada pee.

Kalunga ne mu nangeke ncupuna amushe. 1Tim. 1:18b - 19.

Vaino Simojoki.

ELONGONGIFO LOINIWE YA ELOK, 1974

Oilonga ya Elok oya tengenekwa tai ka pula oimaliwa i fike R 132,000, ya hapupala neeranda di dule eyovi oku shi yeleka nefaneko lelongifo loimaliwa yomudo 1973 (R 120,740).

Alushe ovakwaneongalo ohava hetekele okwoongela oimaliwa ei meengalo, moyandjiwa yomudo, momaano nosho tuu. Nde eshi ihava fiki meongelo lavo pefaneko, ombinga inene yomuvalu ohai futwa po kumemengerki neeranda di dule 70,000.

AATUMWA YA GALUKA

Omusitagongalo Matti Seppälä pamwe negumbo lye alihe oya galukile ishe-we moshilonga shetumo mOwambo momwedhi nguka.

Aatumwa yatatau oya hiywa kEpangelongerki ya galukile kiilonga yawo kOkavango: Benjamin Taksinen, Marjatta Puisto nomutumwa Remes.

A shashelwa muRusland

Omukadhona Debora Dewala Diaomadji okwa shashelwa moshilongo shaakomunisi pamwe naaitedhululi 27. Eshasho olya ningilwa mOngerki onkwaevangeli yaMoscow.

Montaneho yaakriste ye vule 2,000, meme Debora okwashashwa pethimbo lye- ilongo lye hwiya. Oye okwa zile moRepublika yaChad, Afrika nokwa kala mosikola yuunamiti. (EPS)

++++++

Uukumwe woongerki

Oongerki oonene 7 muGhana, Afrika okwa tengenekwa dhi ka hangane kumwe, kakele kOngerki yaKatolika momumvo 1975. Okomitiye yokukonakona oshinima shika oyi li nale miilonga, nonkatu yotango mehangano ndika otayi tameke Juli numvo.

O M U K W E T U

Oye oshifo shOngerki onkwaevangeli paLuther yOwambokavango
Ohashi nyanyangidhwa mOniipa.
Omukuluntu gwOshifo dr. Leonard Auala
Amushanga gwOshifo Rev. Sebulon Ekandjo.

Ondando yOshifo komumvo muSuidwes- Afrika nomuSuid-Afrika R 1.00, kombanda yomafuta R 2.00.

Oondando nomambesitelo naga tuminwe komukwetu, Oniipa, P/Bag 2013, ONDANGWA.

Ngoka a hala okuhiya sha nenge okutseyitha sha moshifo, ehala ndyoka moshifo otali futilwa paule woshinyolwa.

OWAMBOKAVANGO CHURCH PRESS
Private Bag 2013, Ondangwa, SWA.